

نوراك يوردى

ناشرى : نوراك يوردى

مدىرى : آق جورە اوغلى يوسف

اداره مىدىرى : توفىق نورالدين

يىل ۱۳۳۰ ۶ ۱۵ مائىس ۱۳۳۰ يىل ۳ جلد ۶ ۶۶

قیدیلہ بوئی ایسا ایدیور . مع مافیہ صنعتکارانہ اولمقدن زیاده متصوفانہ شعرلر یازماسی مولانا اتانی نك اشتہارینہ چوق یاردیم ایتیش و «کندی زمانندہ شعری اترک بینندہ شهرت طوتمشدر» . بلخ نواحیسندہ مدفون اولان «اتانی» نك فارسی اثرلر یازوب یازمادیغنی «نوائی» تصریح ایتیور .

مردنا مقیمی : «سکا کی» ، «اتانی» ، «یقینی» کبی شاعرلرله برلکده اسمی «محا کمة اللغتين» ده ذکر ایدیلن بوشاعر «هرات» لی بر درویش ایدی . ارباب تصوفدن اولمق و اوزمره نك بوتون اصطلاحاتنه واقف بولونمق حسیله جداً قیمتدار برطاقم آثار وجوده کتیرمشدر . حتی «نوائی» بوتون مشکلیسند . لکنه رغماً اونك :

سین سین اصل وجود هر وجود
سین دین اوز کا وجود فانی وجود

بندلی ترجیغنی «خیلی چاشنی سی وار» دیه بکه نیور . هر پارچه نك صوکنده تکرار ایدن بو کوزمل بیتدن ، مذکور ترجیعک وحدت وجود فلسفه نی مفید اولدینی آ کلاشیلیمقدده . فارسی آثاری اولوب اولمادیغنه ناثر هیچ بر قیدموجود اولمایان بوشاعرک جداً متکمل و مسلک نك آدابنه واقف برمتصوف اولدینی محققدر ؛ بو اعتبار ایله فارسیدده قدرت افادیه مالکیتی محتملدر .

— پیتمه دی —

کوبرلی زاده
محمد نواز

کور جمعیله

استانبول «تورک کوجی» منفعتنه ویریلن مسامره ده تورک کوجی صراحتی مشولی قوزوجی اوغلی تحسین بکک ایراد ایتدیکی خطابه در :

بویوک تورانی اوزایسان یکی ، اویانیق تورک دنیاسی ، تورانک آلتون تاجنی طاشیه چق سلطنت بناسینک درت دیره کنی دیکدی : تورک بیلکی درنکی ، تورک یوردی ، تورک اوجاغی و تورک کوجی !

سايدىغم بو مقدس مؤسسەلەرک ايلک ايکيسى علمى فنى مؤسسەلەر ،
 اوچنچىسى يەنى اوجاق اجتماعى وتربىهوى بر مؤسسە . (درنک) تورکە کيم
 اولديغنى ، بىلگىنى ، کچمىنى طائىدەجق ، دىنى اوکرەدەجک ، اجدادىنک علم
 وفن دنياىسندە نەلر ياپديغنى بىلديرەجک ، تورکە علم وفن دنياىسندە يکيدن
 خدمتکر کورديرەجک ؛ (تورک يوردى) تورک دنياىسندە اولانى ييتەنى خبر
 ويرەجک ، تورکک اوزندن ، سوزندن ، سازندن بحث ايدەجک ، تورک دنياىسندەكى
 تظاهرات وتجاياتى اطرافە يايەجق ، توران خلقنە بىلديرەجک .

اوجاق دە : تورک دىيەنى معنوى بر چاقى آلتندە طوپلايەجق ، بربرينە
 طائىدەجق ، تورکى سياسى حدودلرک فوقدە پارليان استقبال بىلديزىنە دوغرو
 سوق ايدەجک . تورک گوجى : تاقاراقورومدە فيشقيروب طاشان ، جوشقون
 آقناريلە بتون دنيايى قاپلايان ، بومەدک بىلک ، قيرمادق قيليج ، وورمادق
 قلعه براقيان . فقط بوکون دوشکون ، داغينق تورک قوتى يکيدن وار
 ايدەجک ، يشادەجق ، تورکک او آچيق آلتنى يکيدن يوکسلەدەجک ، او
 يىلماز کسکين کوزينى يە پارلادەجق ، او کنش کوکسنى يکيدن قباردەجق ،
 درنکک ميدانچىسى ، اوجاگ بکچىسى ، يوردک قورويچىسى ، تورانک آقنچىسى
 اولاجق ! تورکک او ديمر نچەسى يە دنيايى قاورياەجق ، يە دنيا او نچەنک
 قارشىسندە تير تير تىترەيەجک . بو ، (تورک گوجينک) مقصدى !

کلەلم مقصدە ايرمک ، تورانە وارمق ايچون کيديلەجک يوللرە : (تورک
 گوجى) مىللى ادمانلردن ، مىللى قوت اويونلارندن ، قيليجدن ، قالقاندىن ، اوقدن
 يايىدن ، قارغيدن ، جريددن ، کرپىچکى بالچىقدن قوت آلمق ايسستيور . ايلک
 تاريخە کچن ادمان مکتبلرى هند وعجمک زورخانهلرى ، يونان قديمک گيمنا-
 زيونلرى ايدى . فقط تورکک بونلرک هپسەندن اوستون بر ادمانى وارمشکە
 نە عجم اردولرى داغيتەدق ، نە برقارش يونان طوپراغى چيکەنەمدک ! تورکى
 جهانکير ايدن بو قوت ازمزەدە حالا واردر . بو قوتى يکيدن بيودەجک
 ادمانلرمنز حالا واردر . ايشتە تورک گوجى اول امردە بو ادمانلرک احياسيلە
 مشغول اولەجق .

ارککک نصل ادمانلری ، قوت او یونلری وار ایسه قادینلر ده قوت ،
صحت ادمانلری اویله جه لازمدر . باقک غربک مدنیت طاسلاقلرینه ، شوقیه
تعبیر آوروپالیرله ؛ زنکین ماضیمزک عجمی مقلدلرینه ؛ آتیه بینن ، یای گرن ،
نشان آتان ، آتدیغنی ووران قادینلرینه ؛ آلتون اردونک سوکوننده بز دولو
دیزگین قافقاسی . قارباطی آشارکن قادینلرمن آتلمزک صاغریسنده بزله
برابردی .

قادینی آتدن ایندیردک ، کوشیه اوتورتدق ، قدرت قوتده برکوشیه
چکیلدی کیتدی . بابالر ، قارده شلر ، قوجلر قادینلرمنی ادمانه ، قوت
او یونلرینه تشویق ایتسینلر ، تاکه مملکته کوچلی قوتلی والدر ، وطن
مدافعلرینه کوربوز قهرمان آرقداشلر ، تورانک آقینجیلرینه ییلماز ، یورولماز
یولداشلر یتیشسین ! [۱]

سویلدیکم ادمانلرک مکتبی ده بردنمه دها دیدیکم کبی داغلر بایرلر ، قیرلر
چایرلر ، ده کیزلر انکینلر ، و او مکتبک آلات و ادواتی ده : آت ، آتش ،
قیلیچ ، قالقان ، اوق ، تفک ، ماهون تکنهلر ، صیرمه لی اییک یلمکنلردر .
ملتنه دنیا گوزلی استانبولی برکذار براقان فاتح او گوزلی یاد آتدن
قورویه جق قوتی یتیشدیرمک ایچونده بر ادمان یری براقش : اوق میدانی !
حضرت فاتح اوراسنی تیر اندازلره ، کانکشاره وقف ایدیور و میدانی هر
درلوتجاوزدن وقایه ایچون وقفده دییورکه : « اوزرندن قوش او جورولمه سین ! »
پادشاهک شو سوزنده کی کرامت هم او میدانی بوگونه قدر بزه محافظه ایدیور ،
صاقلایور ، هم مملکته اوچاره آتار او قیلر یتیشدیریور . ایشته المزمه

[۱] خانلره اولان خطابه ده بو قسم شوبله ایراد اولونمشدر :

قادینی آتدن ایندیردک ، یاغزدن آیدردق ، قدرت قوتی ده بزدن آیرلدی . ارکک
حیات اجتماعیه ده ایشسر قاله لی کور ، طوبال ، چولاق اولدی ، یاریم قالدی . یاریم
ارککلردن تشکل ایدن ملت یاریم ملتدر . ملتی قورتارجق سزسکز . ایشته بوکون
تورک کوچی آمال و مقاصدنی سزه سویلرکن دییورکه خانلر ملتی قورتاریکیز ، بزه
یاردیم ایدیکیز ، اوزاندن یاردیم ایدیکیز تورک کوجنه بر قادینلر شمه سی آچیکیز .
ومملکته کوچلی قوتلی والدر ، وطن مدافعلرینه کوربوز قهرمان آرقداشلر ، تورانک
آقینجیلرینه ییلماز یورولماز یولداشلر ویریکیز .

اوق میدانی کجی بر پادشاه یادکاری قوجه فاتحک بر کزاری ، ملی ، تاریخی بر
ادمان یری وارکه شرط واقفک احیاسی ایچون (تورک گوجی) اوقاف نظارتندن
مساعده آلدی واورانی یقینه مکمل وزمانه اویغون بر ادمان یری یاپه جق .
اوراده بروسه نک نه فہسی ، آیدینک زیبکی ، چوقور اووانک آتلیسی ، قونیہ نک
جریدجیسی چالقانہ جق ، اوراده بتون آناتولینک یاغیز دلیقانلیلری ، روم
ایلینک یکیت پهلوانلری یاریشہ جق ، ینہ اوراده بتون دنیا یاریشلردہ بوی
اولچہ جک !

(تورک گوجی) استانبولده بو آغیر ایشلری باشارمق ایچون اوضراشوب
دوریرکن بریاندزده طشرده کی قاردشلیخی دوشوندی . وبرالینی روم ایلینہ ،
برالینی آناتولیہ اوزاتدی . اوفیضی ، تمیز مملکتلرده اوزاتدیغمز اللره درعقب
بیکلرجه قاردش الی صارلدی .

بوکون تورک گوجی قوروللی تمام اون درت آی اولیورکه روم ایلیدہ
ادرنه ، تکفور طاغی ، کابیولی ، آناتولیدہ ، اویارادیجی ، یوقدن وار ایدیجی
آناتولیدہ بروسہ ، کوتاہیہ ، بالیکسر ، چناق قلعه ، بوردور ، ازمیر ، مرسین ،
آطنه ، آنقرہ ، قونیہ ، صامسون ، اضرورم ، سیواس ، طربزون ، قسطنموئی ،
زارہ ، طاطسای ، آنطالیہ ، کلیس ، عینتاب ، اورفہ ، جیخان اولمق اوززہ
تام ۲۶ شہبہ مز وار . قونیہ لیلر ایکی یوز لیرا صرفیلہ مکمل بر انداخت
یری یابدیردیلر ، منتظم آتش تعلیملری یاپیورلر . آنقرہ لیلر آت یاریشلری
یاپیور ، قونیہ ، سیواس اضرورم جرید اویناپور والحاصل تورک گوجی
آناتولیدہ تام معناسیلہ اویانمشدر . تورک گوجی بوسنہ ایلک بویوک اجتماعنی
بتون قوللرینک اشتراکیا سکود یایلاسنده یاپه جق . ارطغرل بکک کوندنبری
یعنی دولتمز قوریلدی قوریلہ لی سکود ایلک اولہرق بویلہ برکون کورہ جک .

ارطغرلک ، غازی عثمانک ، اورخانک روحلری اوراده گوججیلری
اوقشایه جق . ایشته تورک گوجی ، جهانہ حاکم اولاجق قوتی دمیر گوکدملر ،
بولاد بیلکلرده یتشدیرمک ایستیان ملی بر مؤسسہ درکہ آنک نہ اولدیننی اصل
اک کوژل شعاری سویلر : تورکک کوجی شہر میسریمز !

اوت تورک کوچی خصوصیه بر جمعیت دکلدر . بر جناسیتق قلوبی هیچ !
 تورک کوچی نه آلمان جیناسیتقنک مدافعی ، نه اسوج ، موللر اصولینک دلالی ،
 نه انکلیز سپورینک اغلائجیسیدر . تورک کوچی بوتون مملکتی قاورامق ،
 مملکتک بوتون کنجلیکنی ، دینجلیکنی قوجاقلامق ایستیان ملی بر مؤسسه در .
 جیناسیتق واسطه در . مقصد دکلدر . مقصد پهلوانلق ، جانبازلق دکلدر .
 بونلر هپ واسطه در . مقصد حتی ملتی ساده مسلح بر ملت بیله یایمق دکلدر .
 مقصد ملتی سلاحشور بر ملت حاله قویمق ، مقصد حتی دها بویوک ، دها بویوک ،
 دها بویوکدرکه ینه تورکلر کریمی هر شیئ بشر ، تورکلر کریمی دیایی ، یلکرا
 مقصدی سویلر .

ایشته مقصد بو دوشونجهیه ، بوقناعه کلمه توحیده اولان ایمانقر قدر متین
 بر اعتقادایله صاریلهرق دیلنرده کلمه توحیده ، قفامزده شعارمز ، کوچی قوتی ،
 واری یوغی براوغورده صرف ایتمک ، گوجلیرلی ، سلاحشورلری براوغورده
 فدا ایتمکدرکه او اوغورده بویوک و مقدس توراندر !

مضمومی مختار لر بمزده :

باکودن

هر سنه باکولیلر ملتلرینه نظراً برر ملی مسامره ترتیب ایدرلر و بوندن
 حاصل اولان عائداتی احتیاجات ملیه لرینه صرف ایلرلر . بو برعنعنه در . باکو
 تورکلیگی نامنه بو عنعنه یی هر سنه دوام ایستدیرن مسلمانلار جمعیت خیریه سی اولمشدر .
 جمعیت خیریه هر سنه « مسلمانلار مسامره سی » نامیه بر بالو ترتیب ایدر . کچن
 شباطده ده بشنجی دفعه اولهرق بو عنعنه یی تکرار ایتمشدی . فقط بودفعه کی
 مسامره اولکیلرندن نمازایدی . هر سنه یاپیلان مسلمان مسامره لرینک خاتملری ،
 مسلمه لرك قبالی اولمالرندن طولایی ، اجنبی ملتلردن دعوت اولنیور ، بالونک
 اداره سی اونلره حواله ایدایوردی . بونک نتیجه سی اولارق مسلمان مسامره سی
 عنوانی طاشیان بر اجتماعک پروغرامنه اسلام و تورک عنصرلرندن زیاده روس
 عنصرلری داخل اولویوردی . بودفعه کی مسلمان مسامره سنک ، دهاطوغریسی